



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

72. Legione in Hispania &c. Decretum quo Elogium S. Fruilani Episcopi
Legionensis pro descriptione in Martyrologio Romano approbatur.

[urn:nbn:de:hbz:466:1-74859](#)

1715.

rationi, ac decreto post aliquod tempus præmormati Notarii minimè obtemperantes, varias supra recentitas causas actarunt citationes, expidierunt, Processus confererunt, aliaque peragere in prejudicium jurium, ac facultatum proprii Notarii Sacrae ejusdem Congregationis attentarunt. Proinde Cosmus Antonius de Bernardinis modernus ejusdem Sac. Congregationis Notarius, apud ipsam iterum, institut, quatenus prædictis Sac. Palati, vel A. C., & aliorum Tribunalium Notarii tum obseruantiam memorati Decreti, tum restitutionem scripturarum omnium, ac Processuum mandare dignaretur, iisdemque inhibere, ne in hujusmodi causis controversis, aliisque ad Sacram Congregationem Rituum spectantibus in posterum fere ingere ullo modo audeant, vel præsumant. Sacra vero eadem Congregatio hujusmodi instantiæ die 23. Martii 1715. recribendum duxit: *Auditatus Notarius A. C. coram Eminentissimo Sac. Palati, & A. C. Notario Paulo Fatio, plurisque, tam in voce, quam in scriptis auditio, juribusque hinc inde deductis visis, & mature perpensis, propositaque denuo Instantia sub infra scripta die, Sac. eadem Rituum Congregatio iterum censuit, ac decrevit, causas omnes tum Beatificationis, & Canonizationis, tum controversas, quæque quovis modo in ipsâ Sacra Congregatione tractantur, earumque acta, Processus &c. spectare ad proprium illius Notarium privativè quoad omnes alios, nec non tum S. Palati Apostoli, & A. C. tum aliorum Tribunalium Notarios inhibendos esse, ne amplius in causis jam enunciatis fere ingere audeant, & præsumant sub penitus arbitrio ipsius Sacrae Congregationis infligendis. Et ita decrevit, & servari mandavit, si Sanctissimo Domino Nostro visum fuerit. Die 6. Mensis Juli 1715.*

Factaque deinde per me Prosecretarium de prædictis Sanctissimo relatione, Sanctitas Sua benignè annuit. Die 13. ejusdem mensis, & anni 1715.

F. Card. de Abdua Præfectorus.

N. M. Tedeschi Episcopus Liparitanus
Sac. Rit. Congr. Pro-Secr.

Die 18. Julii 1715. supradictum Decretum affixum, & publicatum fuit ad valvas Curie Innocentiane, in Aice Campi Flora, & aliis locis solitis, & consuetis Urbis per me Jo. Baptista de Capellis Apof. Curs.

Ludovicus Capellus Mag. Curs.

DECRETUM.

XXII.

Quo Oratio de B. Joanne Francisco Regis pro Missa, & Officio approbatur.

ORATIO.

Pro Vent. Servo Dei Joanne Francisco Regis.

Deus qui ad animarum salutem Beatum Joannem Franciscum Confessorem tuum mirabilis charitate, & invicta patientia decorasti, concede propitius, ut ejus meritis, & exemplis æternæ vitæ præmia consequamur, Per Dominum, &c.

Sacra Rituum Congregatio suprascriptam Orationem propriam in Beatificatione Servi Dei Joannis Francisci Regis Societatis Jesu Presbyteri solemniter decantandam approbavit, eamque post-

modum in Officio illius, & Missa recitari posse concessit, si Sanctissimo Domino Nostro visum fuerit. Die 9. Maij 1716.

Factaque &c. Sanctitas Sua benignè annuit. Die 30. ejusdem mensis, & anni 1716.

F. Card. de Abdua Præfectorus.

N. M. Tedeschi Episc. Liparit. Sac.
Rituum Congregat. Secr.

DECRETUM.

Quo Elogium S. Fruilani Episcopi Legionensis pro descriptione in Martyrologio Romano approbatur.

Elogium S. Fruilani Episcopi.

Legione in Hispania Sancti Fruilani ejusdem Civitatis Episcopi, monasticae vitae propagandæ studio, beneficentia in pauperes, cæterisque virtutibus, & miraculis clari.

Legionem.

Suprascriptum Elogium proprium S. Fruilani Episcopi Legionensis ab Eminentissimo, & Reverendissimo Domino Cardinale Origo diligenter compositum, & in Sacra Rituum Congregatio relatum, Sacra eadem rituum Congregatio approbavit, ac in Martyrologio Romano sub die quinta Octobris apponi, ac imprimi posse censuit, si Sanctissimo Domino Nostro visum fuerit. Die 9. Maij 1716.

Factaque &c. Sanctitas Sua benignè annuit. Die 30. ejusdem mensis, & anni 1716.

F. Card. de Abdua Præfectorus.

N. M. Tedeschi Episc. Liparit. Sac.
Rituum Congregat. Secr.

DECRETUM.

Quo sancitur incidente festo Sanctissimæ Annunciationis in feriam V. Majoris Hebdomadæ Præceptum audiendi Missam, & abstinendi ab operibus servilibus non esse transferendum, sed omnino servandum, adeoque per locorum Ordinarios providendum, ut plures Missæ privatæ ante celebrationem Missæ Conventualis pro Præcepti adimplemento celebrentur.

Cum Festum Sanctissimæ Annunciationis sequenti anno 1717, incidat in feriam V. Majoris Hebdomadæ, ideoque à nonnullis quæsumus fuerit, an Præceptum audiendi Missam, & vacandi ab operibus Servilibus ad Diem, in quæ ejus Officium celebrari debet, sit transferendum; an verò servandum sit in ipsa feria v. Majoris Hebdomadæ, & per Locorum Ordinarios providendum, ut eo die aliquæ Missæ privatæ ante Conventualem pro Præcepti adimplemento celebrentur, prout in Camerinen, & pro Ecclesiis Almæ Urbis mendatum iuit, die 20. Martii 1660. Sacra eadem Rituum Congregatio, rematurè discussa, censuit, Præceptum audiendi Missam, & abstinendi à Servilibus non esse transferendum, sed omnino servandum esse in prædicta feria v. Majoris Hebdomadæ, adeoque per Ordinarios Locorum providendum, ut eo die pro Civitatum, & Pagorum qualitate, ac Christi

XXIII.